

邓之诚

文史札记

邓之诚 著 邓瑞 整理

下

凤凰出版社



一九五二年

腊月初五日 一月一日 星二 晴 二九起

聂崇岐来贺岁，此公往年所无也。史系学生来贺岁。林默庵自城中来，傍晚始去。

腊月初六日 一月二日 星三 晴

陈述来，钟翰来，言民族学院选予书数十种，须书估估价。下午，上课如额。

腊月初七日 一月三日 星四 晴

阅《黄山诗留》，为《黄山集》系一跋。

腊月初八日 一月四日 星五 晴

晨，上课。李文瑾、许大龄来，送政府犒劳过年猪肉一斤，折币六千五百元，兼取医药互助会申请书。效贤（阁）裴估来估拟卖各书之价。

腊月初九日 一月五日 星六 晴

下午二时,学习小组在我处开漫谈会,谈土地改革问题,六时毕会。

腊月初十日 一月六日 星期 晴 有风 甚寒 小寒节

为《蓼斋集》系一长跋。王钟翰、高名凯、翁独健、吴兴华来,遂尽一日。复张默然,谢惠醉蟹。

腊月十一日 一月七日 星一 晴 大风 入夕止
晨,录《黄山集》跋语于封面。映晴窗,书细字千余言,颇自喜。

腊月十二日 一月八日 星二 晴

通学(斋)蹇子来,予以四万,前欠清矣。伤风仍未愈。

腊月十三日 一月九日 星三 阴 下午稍晴 二九毕
为学生改试卷。下午授课。得林默庵书,见示邵章题我《闭关吟》三绝句。

腊月十四日 一月十日 星四 晴 三九起

病不愈,似加重,服旧(药)方。阅程可则《海日堂集》,为系一跋。

腊月十五日 一月十一日 星五 晴

晨以病未上课。阅陈元芳《独漉堂集》,为系一跋。德友(斋)王估送徐嘉炎《抱经斋集》来。连日,全国厉行三反运动。三反者,反贪污,反浪费,反官僚主义也。教育部因停止大学学期考试……为时两月……未必能竣事。

腊月十六日 一月十二日 星六 阴

晨，吴兴华来，林元汉来。入夕，神气稍旺，琯女归。图书馆有钞本《独漉堂集》，迟日当借阅之，有彭孙贻序，刻本所无也。

腊月十九日 一月十五日 星二 晴

晨，张东荪来，言前日渠游颐和园后山，步行冰上，落冰窟窿，水没及胸，幸解救无恙。又言：“章士钊夸我诗，的是能手，并世无第二人。”令人有喝半汤升玉皇之感。黉子（书估）来，以无用之书数种易其《秋笳集》。

腊月二十日 一月十六日 星三 晴

德友（堂）王估送《抱经斋集》来，文有全目，凡五十卷，每卷刻一二篇与《四库总目》所称为六卷者不合。又下附《焚余草》，疑皆是初刻，后无力继刻，乃编成六卷，《四库》恐未见全目也。

腊月二十二日 一月十八日 星五 晴

为《抱经斋集》系一长跋，指出徐嘉炎与朱彝尊交恶之由，未经人道，以秃笔蘸朱书之，密行细字，亦足以验目力也。

腊月二十三日 一月十九日 星六 晴 有风 四九起

阅《独漉堂稿》六卷，载诗至庚申，似即其时所刻，书体、字句与后来所刻有小异处，应酬诗数首为《全集》所无。末有跋语：“署乾隆庚午，识于清来堂。”盛称元孝之诗，在屈、梁之上。于赋中用韵，合于古者，皆为注明，不合者，亦为注明，其人似是能读书者。有印文曰“振采”，曰“白民”。《茶余客话》二十二，淮郡三城，园亭山庄，著名者甚多，周征君白民之清来室、止止斋在剪刀刘巷。全祖望《公车征士录》苏抚顾荐周振采，山阳

拔贡。

腊月二十六日 一月二十二日 星二 晴 狂风

为缪子受题其祖若父朱卷，又于艺风《荐卷簿》及所藏《宋元板书目》各题数字。

腊月二十七日 一月二十三日 星三 晴 夜中大风

文禄(堂)王估来，讲定《明诗综》之值八万，先付三万。此书存此已经年矣！

腊月二十八日 一月二十四日 星四 晴 大风

下午一时，校中开反浪费控诉大会。本定晨九时开会，以昨夕会至深夜，故改下午，首由陆志韦检讨，众嫌太泛，令其下期再说。蒋荫恩检讨，亦未得好评。继由负责学生报告总务处及各部门贪污浪费各情。至此，即有人在人群中呼号严惩石文博、范玉华、王翰章者，旋令三人摘帽，摘校徽，俯首跪于台上。后由雷洁琼演说，搜出仓库所藏美、英及国民党旗帜之严重性，问陆、蒋知之否？遂散会。明日上午，各系继续开会。下午，开展览会，反动国旗及贪污浪费证件均须陈列。今日之会，陆公受窘可谓至矣！

腊月三十日 一月二十六日 星六 阴

晨，王希翰来辞行，后日启行，赴海南师范学院任教，已得九中离职书，留饭去。琯女归。下午，张东荪来，久谈。珂入城，晚七时归。祀先，辞岁，举家共食年夜饭。

除夕

冉冉岁将暗，烛花不忍弹。儿童分果饵，父老念衣冠。
学贱人同弃，心危梦未安。迎新真易事，只是怕春寒。帖

子写宜春，荒村未是贫。人情犹恋旧，岁序自当新。乱世思君子，青山老遗民。蹉跎怜往事，多半付烟尘。

壬辰年正月初一日 一月二十七日 星期 天气晴和
四九迄

是岁，予年六十六岁。来拜年者，林元汉、哲学王、阎简弼、高名凯、陈街坊、聂崇岐、李文瑾、孙铮、缪四爷、吴兴华、翁独健，遂尽一日。

正月初三日 一月二十九日 星二 晴

晨，钟翰来。林默庵、苏寄帆来，留午饭。张默然来，馈腊肉、扣肉，受之有惭。三君皆傍晚回城。沈玉成来。阅《野获编》，瑄女入城。

正月初四日 一月三十日 星三 晴

晨，张芝联来，久谈，甚亲热，与往昔稍异，殆张东荪有以语之耶！饭后，王剑英来，云：年前买《直斋书录解题》、《事物纪原》各万元。从来无此廉值也。阅《野获编》。明初设巡道四十二，隶于按察司，所以名之为道者，以按察略等于行御史台也。

正月十六日 二月十一日 星一 晴

《耻躬堂文集》十四卷，王命岳撰。原本二十卷，此佚，存十四卷。命岳，字伯咨，号耻古，晋江人，顺治乙未进士，授翰林院庶吉士，改工科给事中，历户科左右给事、刑科都给事。违言，降级调用。

序、《康熙甲子李光地序》：先皇遐殂又五岁，而先生歿。甲寅之变，距先生之歿且七年，鼎革之间，仳离尤甚，人事遭逢之厄，先生更尝为多。《康熙辛未陈肇昌序》：校士戍闾列门墙者

二十四人。《陈迁鹤序》：康熙十二年，男锡卤、锡度、锡龄征遗文小引。

卷一、《议经国远图疏》（十三年五月）：今国家所最急者，财也。岁入一千八百一十四万有奇，岁出至二千二百六十一万有奇，出浮于入者四百四十七万有奇。此四百余万者，皇上即日令诸臣焦思持筹，竭盈朝之心计。以臣度之，不能措至数十万，而国体已伤，民心已愁，甚非长策也。臣因和盘打算，国用所以不足之故，皆由养兵耳！各省镇满、汉官兵俸□□算之，费至一千八百三十三万零，大兵过往喂马粮草等项，约算一百四十万两。其在京王公及各官俸薪，披甲月饷不过二百万有奇耳！则是岁费二千二百余万两者，凡十分在养兵，一分在杂用也。

《驳参部复王尚书永吉》（十四年）。《铨政第十八本寄凭疏》：去年（十三年）十一月内，伏读上谕：今后内外大小官员，凡受赃至十两以上者，除依律定罪外，不分枉法不枉法，俱藉没家产入官，著载入律令，钦此。

在京听选各官，不下数千，怵于点卯不到，题参议处，及一卯间断，前卯尽销之法。皆跼蹐都门，不敢刻离，近者守候一二年，远者四五年，衣食房钱咸资借贷，措金四十，名曰一票，限期四月，取盈一百。又应别借，以偿前负。展转一年，揭债四十，还息六百。若复借，更至千余。候选数年，负累数千。

卷二、《请立法清查钱粮疏》：浙江巡抚陈应泰钱粮交盘不清一疏，奉旨据奏乌程等县节年未获批领，侵冒银两共至三十余万，好生可恶。刘玺、郭尚信、孙奕焕，著各该抚按差的当员役押解至浙，与经管各役面质侵冒情由，据实速奏该部知道，

钦此。

《恭绎恩诏疏》：顺治十三年十二月初六日恩诏：内除拖欠钱粮、漕粮等罪不赦。再于二十五日恭奉恩诏：内一款，顺治八、九两年地亩人丁本报钱粮拖欠者，该督、抚、按确查，果系拖欠在民者，具奉豁免。已征在官者，不得借口民欠侵隐，钦此。十、十一、十二、十三等年年旧欠，有在官在民之不齐。

卷三、《楚地协饷疏》（十五年）：经略洪承畴一本为查办江南浙江欠解协济事。奉旨：这协饷关系军需，何得迟延拖欠？著各该督抚勒限严催速解，如再延误，即将经管各官参来，从重议处，该部知道，钦此。合两省百万之金，竟是一纸子虚虚数。户部一本为闽饷万分紧急事，内复江宁巡抚张中元题前事，称十三年正月内拨江南省贙罚银十五万两，解交福建大兵粮饷，至今二载，止解过四万三千七百两，所完尚不及二分之一。《请假葬亲疏》：臣十二年四月接馆职，六月初三日入署肄业，于今三年馀矣。

卷四、《靖海》三（十七年）：郑逆所部伪将皆南人，脆弱难用，近收叛将马信、李必、王戎等，号曰北镇。又有浙寇张煌言、虞允生、阮美、杨嘉瑞等，系舟山之馀孽。杨复葵、罗蕴章、叶有成等，系张名振之遗孽，骑马操弓，与我技同，贼实恃此，以为劲旅。然而，南镇富，北镇贫，彼此猜忌，嫌隙易生。

《论滇饷疏》（十七年）：臣忆自己未科殿试对策内称人不敷出者八十余万，至顺治十三年，人不敷出四百四十余万矣！臣自十五年九月给假离京，至今年七月还朝，意谓二年之内，计臣持筹，量入为出，当大异昔日。比臣入署以来，留心查核，则今

日入不敷出者，至七百余万。即以云南一省言之，总括一省夏税、秋粮、盐课、矿课、商、鱼、牛税、共正、杂银，止十六万一百两零。而今办滇南兵饷，至九百万两有奇。夫九百万两者，天下正赋钱粮，其数尚不及此也。今之议者，必曰余寇未尽，未可安枕。八旗劲旅，四不可撤，六万绿旗，必不可裁，用兵必不可休。查云南原有旧屯一万一千一百七十一顷零，科粮三十八万九千九百九十二石零。官收额内，军余额外，米粟既登，价直自贱。倘邀天之庇，每粟一石，价可三金，则视今年之每石十二金者，已省四分之三矣！

《推评矜恤事宜疏》(十七年十一月)：日者季开生以言官被徙，犹饱恶棍李乾德之凶拳而毕命，则其余可知。以季开生甫歿，闻恶棍欲焚其尸，分其家口，则凡无主之老母、娇妻、弱女，又不问可知。

卷五、《请敕早颁由单疏》(康元)：从来易知由单为钱粮额征之总会。十七年之由单至十八年七八月间始发。问：由单既不发有司，凭何催征？则曰：创为约征名色。约征云者，如产米一石，约略征银若干。臣闻苏、松、常、镇，事体相同，臣不知该抚题参十七年绅士欠粮之数，有以钱计，以分计，以厘计者，为凭由单算乎？为凭约征算乎？若凭由单，则由单匿而不发，何从而定花户之欠额？若凭约征，则置奉旨部颁之单而不用，是谓违制，创为游移无定之词，使绅民无所适从，及陷于罪，然后从而参之，是谓罔民。国课之所以不完，胥吏之所以长奸，士民之所以挂罪，皆由单不发之故，则抚院、藩司、知府似不能不与士民共分过也。

《慎刑》三(康元):古者死罪之下,爰有军、徒,为地不过二千里。所承明末蛊坏之余,人心不古,下弊丛生。世祖先皇帝虑非大加惩创,不足以振肃纪纲,挽回陋习,乃立为流、徙之法。今则并父母、兄弟、妻子流徙矣!其情罪重大者,连及祖、孙矣!但就奉行近法之中,祈稍寓宽恤之意,如许嫁之女,应归夫家,过继之子,应从嗣父,孙不应带及孙女,子不应带及子媳,则法行而恩仍留,威著而仁亦寓,于罪不孥之意,尚有合焉矣!臣闻广东解家眷入官者,至连及表妹。用刑一过,波滥何穷!

卷六、《理财议》:唯正之法,十分为度,较之万历八分准为全完,已滥十之二三矣!

卷七、《殿试制策》:谨按天下赋税,岁入凡一千五百余万,岁出凡一千六百余万,出浮于入者,七十余万。兵饷支销凡一千一百余万,大内之供亿,百官之禄薪,祭祀宾嘉之典礼,不过五百余万而已。

卷八、《谕、表》。卷九、《论、说、评》。卷十、《御制翻译〈五经〉序》、《御制〈顺治大训〉序》、《御制〈道德经〉注解序》。卷十一、《序》。卷十二、《隐君潘峙绎五十初度序》:戊子冬,予行年四十。余虽不敏,名已闻于海内,涎润之施,及于戚里。向借国家之灵,能以力急交游,重然诺。卷十三、《永春马邑侯碑文》:岁辛丑,部使者分行天下,察顺治十二年至十五年逋粮,其在民,悉遵诏赦,其在绅矜者,无赦。卷十四、《志、铭、墓表》。

《涂山诗》六卷,方尔止撰,信芳阁活字本。首有姚康休那《涂山诗》序、旧京王潢《北游草》序、钱唐吴百朋《徐杭游草》序(己亥)、黄冈杜濬、夔州李长祥、福州林古度《鲁游草》序(庚

子)、盱江徐芳、蓟门周体观、大梁周亮工《西江游草》序(辛丑)、王概《跋》。案:尔止撰《涂山诗集》八卷,《二集》四卷,《续集》四卷。此本不知何人所选,卷一《云间五子》删李雯一首,原刻如此。诸序多不见本集。

《易堂九子文钞》,道光丙申,彭玉雯刻本。《彭躬庵文钞》六十五篇,六卷;《邱邦士文钞》二十四篇,二卷;《魏伯子文钞》十四篇,一卷;《魏叔子文钞》九十六篇,七卷;《魏季子文钞》二十篇,一卷;《李咸斋文钞》(腾蛟)四篇;《林确斋文钞》(时益)一篇;《彭中叔文钞》(任)六篇;《曾青藜文钞》四篇,各一卷。

《雪翁诗集》十七卷,魏耕撰,《四明丛书》本。全祖望《续甬上耆旧集》称耕撰《息贤堂集》十五卷。张寿镛得是稿本于张仔冷,仔冷得之耕族孙魏仲车友枋,题《雪翁诗集》十四卷,有耕顺治丁酉自序,谓崇、弘后作诗,总名之曰《雪岩堂诗集》,岁丁酉,将以诗问世,自序其得名之繇。寿镛以不合于全氏所称,强分诗为十五卷,附录二卷,而改自序中“雪岩”为“息贤”,可谓庸妄。又谓集定于丁酉下至癸卯七年之诗,未知世间尚有传本否。集中明明有戊戌、己亥诗,《酬吴兆骞塞上》之诗,或当在己亥后,乃视若无睹,真盲人道黑白也。又“附录”中,魏霞所撰传,亦经窜改,与《慈溪县志·本传》所引不同,不解命意安在?世间妄人往往如此,不足深责也。耕自序数年困迫饥寒,往还吴越六七郡间,身无定止,往往多道途之什,未尝一日居雪岩,且余挂株连之祸,草堂亦转售他人,妻子寄人廊庑。甲午春,过别鲜问,草堂且再易主。是耕构祸屡矣,而卒死西市,视若性分,可谓烈士矣!一至三(卷)五古;四至六(卷)七古;七、八

(卷)五律;九、十(卷)七律;十一(卷)五排;十二(卷)五绝;十三(卷)七绝;十四(卷)乐府;十五(卷)五排补;十六、七(卷)附录。《慈溪县志·本传》:魏畊,原名璧,字楚白,甲申后,改名耕,又名苏。

《魏氏谱传》谦五十九,讳时珩,字楚白,又名耕,字野夫,号雪窦居士,归安县廩生。“明末起义殉节,从祀旌忠祠”(疑此二语非原文)。从弟霞撰有传。全祖望撰有坟版文。族孙凤林撰有赞。生明万历四十二年甲寅四月初六日,卒康熙元年壬寅六月初一日。配凌氏,贞烈有传,生未详,卒康熙元年六月初一日,合葬西湖灵隐寺五寺桥大桐坞,墓前有短碑,碑面向里,上书“慈溪魏长白山人夫妇之墓”。生二子:乔、高。

魏霞《雪窦先生传》:先生初讳时珩,又名耕,字楚白,号雪窦。予从兄也,生万历甲寅四月六日。父讳忠显(君扬),读书怀古,尝游学雪川,逍遥山川,以歌咏自娱。先生初颖异,七岁从先君学,日诵数百言,复背如流。先君束之严,母朱孺人谓儿幼,乞稍宽之。先君曰:吾之爱,甚于嫂。念此儿资性不凡,异日当以文章名世,倘学少弛,不成大器,予之咎也。先生谢曰:谨受教。越三年,而学大进,年十四,朱孺人卒。忠显公携先生至雪川课读,弱冠赴童子试。归安县李公得先生卷,叹赏不置。会吾慈周公跃雷领癸酉乡荐,为李公所取士,谒师至署,见先生文,拍掌谓李公曰:此卷弘深朴茂,有古大家风,当不徒为小试冠也。揭案列第一,归安儒士竞以外籍相阻。李公曲全之,遂得入归安庠。湖之凌君某,义渠先生侄也,耳先生名,以女妻之。己卯,督学许公豸,岁试冠军,食饩未几,流寇李自成陷京

师。甲申之变，先生悬衣冠于堂上，北面稽首曰：“予虽在草莽，亦君臣也。”《县志·本传》引作“予虽在草莽，然廩食胶庠，亦君禄也，纵不殉国难，亦当潜身遁迹，为世外闲人”。乃挈妻子至莲花庄，更名耕，字野夫，别号雪窦居士。圣朝定鼎，有荐之仕者，再拜辞之。日与归安钱尚书孙允武、山阴朱太保孙朗诣、祁侍御子班孙、秀水朱太傅孙锡鬯及长洲陈三岛、会稽张近道，往来吴越，以诗古文相砥砺，吴越之士翕然称之。先生学贯经史，诗法汉魏，尝就允武征古今诸名家诗稿，汇选成帙，一时名宿如虞山钱宗伯谦益，山左姜侍御垓、湖广曹翰林允昌、姑苏吴学士伟业，并不惮间关持稿乞评选。闻钱忠介公移檄会诸乡老，迎监国鲁王于天台，遂挟策往从之。江宁之败（疑非原文），先生遮道说张忠烈，焦湖入冬水涸，不可驻军。英、霍山寨，耕皆识其魁，请入说明迎公，乃焚舟登陆，士卒愿从者尚数百人，入霍山寨，已受抚不纳，乃次英山，甫渡东溪岭，而追至被获，康熙元年六月一日殉节于会城官巷口。（《县志·本传》引作康熙壬寅六月朔，先生与允武伏法于会城观巷口。）配凌氏闻先生死，流涕曰：夫死，我不可以独生，遂以发自经。次子高亦自缢，长子乔戍尚阳堡。（《县志·本传》引作次子嶧亦自经，长子峤戍尚阳堡。集中有《岁暮远行，与峤嶧二子》诗，不知何以改作乔高。）女一，适仁和庠生孙某。（《县志·本传》引作先生一女，适仁和庠生孙宇台之子某，亦庠生。）葬先生夫妇及子于清波门外山麓，封土为牧马所坏，好义者，函骨改葬于灵隐西五寺桥大桐坞，碣题曰：“慈溪魏长白山人夫妇之墓。”先生著述甚多，有《道南集》、《息贤堂初后集》、《吴越诗选》，今皆仅有存者。殿轩氏

曰：先生前明一博士弟子也，奋于忠义，遂至丧元不悔。予尝读竹垞老人所撰“贞毅先生墓表”，其词隐涉先生，谓死者委之乌鸢狐兔而不可问，於呼！其亦可哀也已！从弟霞谨撰。（《县志·本传》引庚子朗诣卒，先生偕允武自归安渡钱江，经纪其丧，视含歛。辛丑二月，与班孙、锡鬯送葬于大禹陵，视其封，恸哭而去。不知何处脱文，此传经妄人删易甚多，阅之恨恨。）

正月十七日 二月十二日 星二 雪 午日出 又阴

《兵迹》十二卷，魏禧撰，《豫章丛书》本。一、历代编；二、将体编、将物编；三、将兽编；四、将能编；五、将效编；六、华境编；七、华人编；八、土夷编；九、岛夷编；十、近国编；十一、远国编；十二、边寨编，凡十二编。历代言兵制，将物言兵器，华人言募兵，远国多采艾孺略诸人所著书，唯将兽杂及宽严驭众，疑本将能误入于此也。决无抵斥当代语，足见下笔之慎。胡思敬跋由魏氏原稿本展转传钞，得之赣南李氏所藏，书家罕有知者，可谓秘笈。

《寒夜录》二卷，陈士业撰，《豫章丛书》本。此本从江南图书馆所藏钞本传录，较《学海类编》本多百四十余条，盖足本也。所论多讲学及诗话，无甚足取，唯李清照和张文潜《浯溪中兴碑》七古二首，独见此编，馀张献忠事二则足资参考，为录于次。张献忠用兵最狡，常以少胜多。破舒城时，实叛将孔廷训勾之城陷，献忠犒赏各头目已毕，旋引廷训数之曰：“尔不忠于朝廷，焉能忠于我！”立斩之阶下。时原任太仆卿濮中玉亦投降数日，见廷训被杀，股栗无措。献忠曰：“汝乡绅，吾不斩汝。”遂授伪礼部尚书，中玉舞蹈谢恩，留其营中四阅月，乃还。初，中玉以

请托不遂，下石于予。或传其城陷死难。予拟为草揭请恤，不意丧心辱国乃如此。此事舒人目击甚确，而诸生孙秋戍亦被贼掳，述其颠末尤详。孙云：濮既授伪礼部，馀户、兵、工三部，各省伪官，唯吏、刑，则献忠自领之，不欲以爵人、刑人之柄畀之他贼也。又伪中军来姓者，号来达子，最为献忠亲信，其陷合肥诸属，唯来达子昼夜密谋，诸营皆不与闻云。又一则云：近日流寇皆称死贼。各处《塘报》皆然，其潜号称王者，章奏文移悉改王字为枉，或为亡。如所谓八大枉、争世枉、左衿亡，是也。

二月初七日 三月二日 星期 晴 大风

阅唐梦赉《志壑堂文集》九、《筹饷卮言》“或问十二”：本朝凡三易钱矣！国初行顺治钱，一当故明钱三文；后又铸厘钱，每文作银一厘，当顺治钱三文；今上登极，铸康熙钱，一当厘钱二文。又《寄司农公草官》以一千为一两，民以一千为七钱。按：《卮言》作于康熙丙辰，梦赉主铸铜，钞重一两、五钱、二钱者，三种，与银同值。五年之内，银钞兼用，五年之后，永禁用银。盖本于崇祯时所议铜钞之法，而少变之，颇为有识，后遂无人征引及之，读书者少耳！为《石堂全集》系一跋。

二月初八日 三月三日 星一 晴 薄暮风起 八九毕

魏裔介《兼济堂文集》选卷二、《合计天下兵食疏》（顺治十八年十二月）：海寇连年作乱，兵兴不休。今岁，司农告匱，不得已，议及加派天下地亩钱粮五百余万。（《年谱》云：随奉谕停止。）卷二十、《年谱》：己丑、大同总兵姜瓖叛，公有请召对之疏，摄政王从之，即日召对，公首陈宽逃人之法，即奉谕旨。壬辰，补吏科右给事中，因逃人法峻，上《察戒宜贵州县》一疏。乙未，

公上《南北分卷宜公》疏，自是，南北中卷，以人数多寡定取额。山贼高三自山西之五台、繁峙、孟县、乐平，真定之平山、阜平、赞皇等处，往往被其蹂躏。戊戌，流寇余党孙可望自湖广归顺，封以义王。伊具疏向上借银，又为其弟讨勘合，公上《直纠陈请之非，以正悖谬之罪》疏。甲辰，孙钟元征君，人品甚高，著书甚富，屡征不起，有人诬其讥讪者，公察其诬，为白其冤。戊午，六十三岁，举荐博学宏词之臣，陕西道御史焦荣以公应诏。（御史题名：焦荣，河南新野人，顺治乙未进士。康熙十二年，由安福县知县行取山东道御史，外转冀宁道。）

二月初九日 三月四日 星二 晴转阴 午后微雪即晴
九九起

寻旧藏《吴山穀音》六卷二册，遍觅不获，不知何人借去，遗失矣！以后借书与人，当慎之，戒之。不择其人，彼任意抛弃，而不知我之得书非易也。呼孙铮来，托其向北京图书馆借《浮云集》。

二月初十日 三月五日 星三 晴 惊蛰节

为《但吟草》（萧惟豫）系一长跋，颇费运思，未知有赏音者否！

效贤阁裴估来，云：故宫博物院有贪污，马衡及所有职员俱调东岳庙、白云观受训，另派员查点。北京图书馆历年失书甚多，正在查究。琉璃厂论文斋东家靳伯生年来收购古玩字画极多，有买盗赃嫌疑。又运货至香港售卖，已被捕。玉池山房掌柜马霁川亦被捕，其余百七家古董店正严厉检查。

阅《李文襄公（之芳）年谱》，摘二事：其一，南闱科场弊发，

世祖章皇帝命严鞠，将在事六十余人口供勘语，摘为六十余疏。各予以应得之罪款状，纠结棼如乱丝。启心郎不能理，举以委公，公立辨明晰，了如指掌。按：丁酉科场之狱牵连六十余人，唯见于此。之芳时为刑部湖广司郎中。旋裁启心郎，以之芳总理刑部十四司稿案。知清初启心郎之任，正如今日总务厅。其二，康熙十九年庚申，具疏汇报军兴以来共用银一十一万四千四百七十余两。内部复以五万四千四百余两之数，为公捐输扣抵免赔销结。然公已破产矣！按：康熙时，平三藩，征准噶尔军费多取自捐输，唯其数不详。之芳此事足为明证，然两浙十年中，所用军费，宁止十一万，必有不实不尽者。部复只准销七万，尤奇！

姜宸英《湛园藏稿》四，《资政大夫鲁公合葬墓志铭》：今上嗣位之初，复命授兵部启心郎，即汉官主事职也，调户部主事。

二月十一日 三月六日 星四 阴

阅冯景《解春集文钞》

二月十二日 三月七日 星五 阴 微雨数点

多文(阁)魏估来，言：去岁代卖之书十六万，须求机关证明，可免行商税。即予以万元。高名凯来，正午睡，未晤。为《解春集文钞》系一长跋。

二月十三日 三月八日 星六 晴 转阴

阅《钝翁类稿续稿》。

二月十四日 三月九日 星期 晴

通学(斋)癸估为寻得排印本陆楣《铁庄文集》八卷三册，惜佚《疏快轩诗集》二卷，附词，然已难得矣！如其愿，以昨所得二